

**IV GOVERNUN KONSTITUSIONAL
SEKRETARIA ESTADU KONSELLU MINISTRU**

Informasaun

**Governu AMP buka servisu maka'as iha produsaun enerjia alternativa no garanti
postus servisu rihun 40 ba iha Distritu sira**

Díli, 08 fulan Jullu tinan 2008

Atu kumpri promesa ne'ebé iha Programa IV Governu Konstitusionál hodi atrai investimentu estranjeiru ba Timor-Leste no hadia nível vida moris comunidade lokal sira nian, tinan ida ne'e Ezekutivu estabesele tiha ona akordu ho kompañia internasionál sira ba produsaun fonte alternativa enerjia, ho garantia atu harí postu servisu rihun 40 no apoiu sosiál iha nível edukasaun, saúde no formasaun profisionál iha Distritu Covalima-Suai, Lautém-Lospalos, Baucau no Viqueque, no oin mai sei bele aumenta ekonomia no hadia kondisaun moris comunidade lokál sira nian.

Kompromisu asina hosi Governu fó garantia ba Timor-Leste hodi hamenus dependénsia fonte enerjia ne'ebé mai hosi rai liur, ida ne'ebé asume ohin importante tebes, bainhira folin minarai nian loro-loron sa'e maka'as, hodi halo fonte enerjia ne'e karu ba bei-beik no tanba ne'e obriga governu mundu tomak hodi buka fonte alternativa enerjia nian.

Investimentu hirak ne'e sei hanesan testemuñu importante ida hosi konfiansa emprezáriu internasionál sira iha Governu AMP no instituisaun Estadu Timor-Leste nian.

Iha Carabela, Distritu Baucau, kompañia *Enviroenergy Developments Australia – EDA*, sei harí fábrica bio-diesel, hahú halo transformasaun oan mutin nia musan (*jatropha*) no sentrál ida ba bio-masa, ne'ebé reprezenta investimentu besik Dolár Amerikanu tokon atus lima, lima nulu (\$ 550) iha períodu tinan senulu nia laran no kria postu servisu hamutuk rihun tolu nulu (30), ne'ebe joven sira hosi país ne'e nian mak sei okupa.

Akordu ne'ebé Governu asina tiha ona ho EDA, liu hosi Sekretaria Estadu Polítika Enerjética, fó garantia atu empreza estranjeiru ne'e sei rekore nafatin ba empreza nasional sira hodi hetan materiál no ekipamentu sira, bainhira emprezáriu timor oan sira garanti kualidade produktu ne'ebé presiza ne'e ba projektu no folin labele sae liu kustu hirak ne'ebé uza iha merkadu internasionál.

EDA prevé atu atinji produsaun anual Bio-óliu refinadu tonelada tokon rua pontu lima (2,5) no matéria orgánika tonelada tokon ha'at pontu hitu (4,7) ne'ebé hasai hosi óliu semente sira ne'ebé prosesa iha sentrá bio-masa.

Kontratu ne'ebé estabesele entre IV Governu Konstitusionál no EDA prevé atu fa'an terenu ektare lima nulu resin sia (59) ka, iha alternativa atu hili, kontratu arendamentu ba tinan tolnulu, bele prolonga kontratu to'o tinan sia nolu (90).

Atu buka hamenus dependénsia iha fonte enerjia hosi rai liur, Governu AMP, liu hosi Ministériu Agrikultura no Peska, asina tiha ona memorandu entendimentu ida ba produsaun etanol hahú hosi kuda tóhu, ne'ebé sei hala'e fatin ektare atus ida iha distritu Covalima, Viqueque e Lautém.

Koalia kona-ba investimentu dólar amerikanu tokon atus ida (100) ne'ebé sei fó garantia postu servisu rihun sanulu iha distritu hirak ne'eba, liu-liu ajuda populasaun foin sae sira.

Kompañia *GTLeeste Biotech* kompromete atu uza to'o ektare atus ida (100) ba plantasaun tóhu nian, ne'e halo parte terenu agríkola, uma no infra-estrutura mak iha tiha ona – bainhira ida ne'e mak sai nu'udar interese locatáriu sira nian – hosi períodu tinan lima nulu (50) nia laran, bele prolonga to'o tinan lima nolu (50) tan bainhira halo tiha avaliasaun ba projektu ne'e, maibé kompañia ne'e sei la selu renda ba Governu durante tinan sia nia laran. Tinan tuir mai, *GTLeeste Biotech* sei selu renda ba Estadu Timor-Leste, valór ne'ebé defini tiha ona hosi Ministériu Justisa, liu hosi Direksaun Nasionál Terras no Propriedade.

Iha primeira faze implementasaun projektu sei hahú okupa to'o ektare reihu ha'at nolu, ne'ebé sei halo fatin rua ho ektare rihun tolu nulu (30) ba fatin ida tuir estudu viabilidade no impaktu ambientál, ne'ebé sei hala'o hosi ekipa multidisiplinar ne'ebé inklui tékniku internasionál noruega nian.

Subliña mos katak projektu produsaun enerjia alternativa sei desenvolve iha rai hirak ne'ebé la dun diak ba kuda ai-horis produktu agríkola sira seluk, livre no ladiak - conforme tuir avaliasaun konjunta hosi Ministériu Agrikultura no Peska no Ministériu Justisa – ho garantia hetan bee, liu hosi udan been, ne'e la signifika katak atu hasai bee ba plantasaun hirak ne'ebé iha tiha ona, no mos ba agrikultór lokál sira ne'ebé sei sai parseiru ba kompãnia ne'e.

Halo tiha ona Memorandu Entendimentu entre Governu no *GTLeeste Biotech*, haré tiha ona utilizasaun rai husi agrikultór sira ne'ebé hakarak tama iha projektu laran no fó oportunidade karik sira tama nu'udar sósiu, ho kota bele varia entre 20 to 30 por cento husi produto.

Empresa ida nee no mos atu garante formasaun profisional ba trabalhador sira no atu cria infra estrutura eskola , saude, desportu nian hamutuk ho comunidades.

Areas no Areas importante ba cultura no tradisaun iha comunidades la bele hetan utilizasaun ba planta cana-de-acucar

Governo promete halo fila fali ponte tolu iha subdistritu Zumalai no Covalima.

Ho criasaun servisu iha distritus – liu-liu ba joven sira – no ho garantia atu hamenus dependensia husi fontes energia husi liur, Governo AMP prepara ohin futuro ba ita nian nasaun.

#FIM#